

Rundi - Agakiza Ivyanditswe - Salvation Scriptures

AbanyEfeso 2:2 ivyo mwagenderamwo kera, nk'uko ivyo iyi si bigenda, mwumvira umwami w'abaganza ikirere, ni we mpwemu ikorera mu bantu b'intabarirwa.

Matayo 6:10 ubwami bwawe ni buze, ivyo ugomba ni bibe mw'isi nk'uko biba mw'ijuru.

Luka 22:42 ati: "Data, asangwa ubigomba, kura iki gikombe, kindengane: ariko ntibibe uko jewe ngomba, yamara bibe uko wewe ugomba."

Yohana 16:7-9 Ariko jewe ndababwira ukuri; Ikizogira ico kibamarira, ni uko jewe ngenda; kuko ni ntagenda, Umwitsa ntazoza kuri mwebwe; ariko ni nagenda nzomubarungikira. 8 Uwo ni yaza, azohinyusa abo isi, abemeze ivyo icaha, ivyo ukugororoka n'ivyo urubanza; 9 ivyo icaha, kuko batanyizeye,

2 Timoteyo Rya Kabiri 2:10 Ni co gituma nihanganira vyose kubwo abatoranijwe, kugira ngo na bo baronke agakiza kari muri Kristo Yesu, gafatanije n'ubwiza budashira.

AbaRoma 15:20,21 Namanye imigabo yo kuvuga ubutumwa bwiza, aho izina rya Kristo ritaribwamenyekane, ngo sinubake kw'umushinge wubatswe n'uwundi; 21 yamara ngo bimere nk'uko handitswe, ngo abatiganiwe ivyiwe bazobibona, Kandi abataravyumva bazovyitegerezza.

Igitabo C' Ivyakozwe N'Intumwa 2:36,37 Nuko abo mu muryango wa Isirayeli bose, ni bamenye badakekeranya yuko Imana yamugize Umwami na Kristo, ari we Yesu umwe mwabamba. 37 Bumvise ivyo, bibacumita mu mitima, babaza Petero n'izindi ntumwa bat: "Bagabo bavukanyi mbega tugire dute? "

AbaHeburayo 4:2 Kuko natwe twabwiwe ubutumwa bwiza nka bo, ariko, ijambo bumvise ntiryabagiriye ikimazi, kuko ritavanzwe n'ukwizera mu mitima y'abaryumvise.

Yeremiya 24:7 - Matayo 22:37 Aramwishura ati: "Mukundishe Uhoro Imana yanyu imitima yanyu yose n'ubugingo bwanyu bwose n'ubwenge bwanyu bwose.

Igitabo C' Ivyakozwe N'Intumwa 16:14 Umugore umwe yitwa Ludiya yubaha Imana, umudandaza w'impuzu zitukura z'igiciro kinini, wo mu gisagara citwa Tuwatira, aratwumviriza. Umwami Yesu amwugurura umutima, kugira ngo awushire ku vyo Pahulo yavuga.

Matayo 13:14-16 Kandi ivyo uwavugishwa n' Imana Yesaya yavuze, bibashitseko, ngo kwumva muzokwumva, ariko ntimuzoruha mubitahura; Kuraba muzoraba, ariko ntimuzoruha muvyihweza. 15 Kuko umutima w'ubu bwoko ucramye, Amatwi yabo akaba ari bihurugutwi, Amaso yabo bakayahumiriza; Ngo ntibarabishe amaso, Ntibumvishe amatwi,

Ntibatahurishe imitima, Ngo bahindukire, Ndabakize. 16 Ariko amaso yanyu arahiriwe, kuko abona, namatwi yanyu, kuko yumva.

Yesaya 6:9,10 - Igitabo C' Ivyakozwe N'Intumwa 28:27 Kuko umutima w'ubu bwoko ucuramye, Amatwi yabo akaba aribihurugutwi, Amaso yabo bakayahumiriza. Ngo ntibarabishe amaso, Ntibumvishe amatwi, Ntibatahurishe imitima, Ngo bahindukire, Ndabakize.

Mariko 4:11,12 arabishura ati: "Mwebwe mwahawe ibanga ry'ubwami bw'Imana, ariko abo hanze babarirwa vyose mu migani; 12 ngo kuraba barabe, yamara ntibavyitegerez; kwumva bavyumve, yamara ntibabitahure; ngo kumbure bohindukira bagaharirwa."

Yohana 12:39,40 Ni co catumye badashobora kwizera, kuko Yesaya yongeye kuvuga 40 ati: "Yabahumye amaso, yabakomantaje imitima, Kugira ngo ntibaboneshe amaso, ngo batahurishe imitima, Bahindukire, Ngo ndabakize."

AbaRoma 11:7,8 None vyabaye bite se? ico Abisirayeli barondeye, ntibakibonye; ariko, abatoranijwe barakironse, abandi bakomantazwa imitima. 8 Nk'uko handitswe, ngo Imana yabahaye umutima wo guhunyiza, n'amaso atabona, namatwi atumva, gushitsa kuri uwo musi.

2 Ab'i Tesalonike Rya Kabiri 2:10,11 n'ubugunge bwose bwo kugabitanya ku bahona, kuko batemeye gukunda ivyo ukuri ngo bakizwe. 11 Ni co gituma Imana ibarungikira ubuzimire bubakoreramwo, ngo bizere ibinyoma:

Matayo 13:18-23 Nuko mweho ni mutahure umugani w'umubivy. 19 Uwumva wese ijambo ry'ubwami ntarimenye, wa Mubi araza, agasahura ikibibwe mu mutima wiwe. Uwo ni we yabibwe i ruhande y'inzira. 20 Uwabibwe ku rutare ni we yumva ijambo, agaca aryakirana umunezero; 21 ariko ntagira imizi muri we, ahagarara umwanya muto; iyo yadutsweko n'amarushwa bo n'akadenderezo azira iryo jambo, bica bimutsitaza. 22 Uwabibwe mu mahwa ni we yumva iryo jambo, ariko umwitwaririko w'ivyo isi n'uruhendo rw'ubutunzi bikanyoha iryo jambo, ntiyame imbuto. 23 Uwabibwe mw'ivu ryiza ni we yumva iryo jambo, akaritahura, uwo ni we rero yama imbuto, umwe akagira ijana, uwundi mirongo itandatu, uwundi mirongo itatu, bityobityo.

2 Ab'i Korinto Rya Kabiri 3:15,16 Ariko gushitsa n'ubu, ivya Mose iyo bisomwa ico citwikiro kiba ku mitima yabo. 16 Yamara, iyo umuntu ahindukiriye Umwami, ico citwikiro gica gikurwaho.

Hoseya 11:3-7 - Matayo 11:28-30 Ni muze kuri jewe mwese abananiwe n'abaremerewe, ndabaruuhura; 29 mwikoreze ingata yanje, munyigireko; kuko ndi umugwaneza, niyoroheje mu mutima; namwe muzoronka uburuhukiro bw'imitima yanyu. 30 Kuko ingata yanje itababaza, n'umutwaro wanje uhwahutse.

Igitabo C' Ivyakozwe N'Intumwa 26:18 kubahumura amaso kugira ngo bahindukire bave mu mwiza baje mu muco, bave no mu bubasha bwa

Satani baje ku Mana, bateko bahairwe ivyaha vyabo, baraganwe n'abejejwe n'ukunyizera.

2 Timoteyo Rya Kabiri 2:24-26 Kandi umushumba w'Umwami wacu ntakwiye gutongana, ariko akwiye kugira ineza kuri bose, no kuba uburyo bwo kwigisha, no kwhihangana, 25 no guhanurisha uburwaneza abamuhaririza, ngo kumbure, bishobotse, Imana ibahe kwhihana ngo bamenye ivyo ukuri, 26 bagaruke mu bwitonzi, bave mu mutego wa wa mugarariji yabafashe ngo bakore ivyo agomba.

Intangamarara - Ivyahishuriwe Yohana 3:17-19 Kuko uvuga uti: "Ndi umukire ndatunze kandi nta co nkenye; ntumenye yuko ari wewe mutindi, wafutanye, uri umworo, uri impumyi, ugenda gusa; 18 ndakugira inama, unguerekko izahabu yatyorowe n'umuriro, ubone kuba umutunzi; unguerekko n'impuzu zera, ubone kwambara, isoni z'ubwambure bwawe ntizigaragare; kandi unguerekko n'umuti wo gusiga ku maso, ubone guhumuka. 19 Abo nkunda bose ndabakankamira, nkabakangira; nuko gira umwete, wihane.

2 Ab'i Korinto Rya Kabiri 7:10 Umubabaro wo mu buryo bw'Imana utera ukwhihana koticuzwa, kuzana agakiza; ariko umubabaro wo mu buryo bw'isi utera urupfu.

1 W'abami Rya Mbere 18:37 - God turned heart back to God

2 Ab'i Korinto Rya Kabiri 4:4 ni bo batizera, bamwe ikigirwamana c'iki gihe cahumye imitima, ngo umuco w'ubutumwa bw'ubwiza bwa Kristo ntubakire, ni we shusho y'Imana.

Luka 8:11-15 Umugani ni uwu. Imbuto ni ijambo ry'Imana. 12 Abo i ruhande y'inzira n'abaryumvise, maze U mwansi yaza, agakura iryo jambo mu mitima yabo, kugira ngo ntibizere ngo bakizwe. 13 Abo ku rutare ni aba: iyo bumvise iryo jambo, baryakirana umunezero, ariko ntibagira imizi, bizera akanya gato, maze mu gihe c'igeragezwa bakarireka. " 14 Izaguye mu mahwa ni abaryumvise, maze bariko barigira umwitwaririko wo muri ubu bugingo, bo n'ubutunzi n'ibihimbaro vyo muri bwo, bikabanyoha, ntibame imbuto nziza. 15 Izo mw'ivu ryiza ni abumvise iryo jambo bakarigumya mu mitima myiza itunganye, bakamishwa imbuto n'ukwhihangana.

Igitabo C' Ivyakozwe N'Intumwa 15:11 Ariko twizeye yuko tuzokizwa n'ubuntu bw'Umwami Yesu nka bo.

AbaRoma 8:13 Kuko namba mwitondera ivyo akameremere kanyu, ntimuzobura gupfa; ariko ni mwica ivyo umubiri ukora, muvyicisha impwemu, muzobaho.